

摘藻堂四庫全書薈要

子部

欽定四庫全書薈要卷一萬七百二十三

子部

欽定授時通考卷六十

農餘

蔬二

山藥

芋

香芋

土芋

甘露子

甘藷

蘿蔔

水蘿蔔

胡蘿蔔

蒿苳生菜

蓴

芹

紫芹

蘆

山藥



山藥

山藥原名薯蕷

負暄雜錄云山藥本名薯蕷避唐代宗諱改名薯藥宋英宗諱昭改名山藥

一名山藷一名土藷一名玉延

廣雅云玉延署預也一吳普云齊楚名玉延一

名修脆一名藷蕷一名山芋一名藷薯一名兒草江閩

人單呼為藷處處有之南京者最大而美蜀道尤良入

藥以懷慶者為佳春間生苗蔓延莖紫青有三尖似白

牽牛葉更厚而光澤五六月開細花成穗淡紅色大類

棗花秋生實於葉間青黃八月熟落根下外薄皮土黃

色狀似雷丸大小不一肉白色煮食甘滑與根同冬春採根皮亦土黃色薄而有毛其肉白色者為上青黑者不堪用南中有一種生山中者根細如指極緊實刮磨入湯煮之作塊味更佳食之尤益人江湖閩中一種根如薑芋而皮紫大者切數片去皮煎煮俱美但性冷於北地者彼土人呼為諸入藥以野生者為勝性甘溫平無毒鎮心安神魂魄止腰痛治虛羸健脾胃益腎氣止洩痢化痰涎久服耳目聰明輕身不老

羣芳譜種植春社日取宿根多毛有白瘤者竹刀截作
二寸長塊先將地開作二尺寬溝深三四尺長短任意
先填亂糞柴一半上實以土將截斷山藥監埋於中上
仍以糞土覆與溝平時澆灌之苗生以竹或樹枝架作
援高三四尺當年可食三四年者根大尤美夏月宜頻
澆最宜肥地每年易人而種宜牛糞麻粃忌人糞

芋



芋

芋一名土芝一名蹲鴟

史記注云芋頭形類鴟鳥之蹲

一名莒在在有

之蜀漢為最京洛者差圓小葉如荷長而不圓莖微紫

乾之亦中食根白亦有紫者南方之芋子大如斗旁生

子甚多皮上有微毛如鱗次裹之拔之則連茹而起味

甘蒸煮任意濕紙包火煨過熟乘熱噉之則鬆而膩益

氣充饑亦可為羹臞廣志所載有君子芋

大如斗魁淡原作誤

善芋

魁大如瓶少子葉如繖蓋紺色而紫莖其長大餘易熟長味是芋之最善者

百果芋

魁大

子繁畝
收百斛雞子芋

色黃

車轂芋鉅

一作銀

子芋旁

原作勞誤

巨芋青

浥芋四種皆多子可乾腊亦可藏至夏皆種之美者長

味芋

味美莖亦可食

九面芋

大而

青芋曹芋

一作素芋

象芋

一作象空芋大

而弱使人易饑皆不可食又有蔓芋

綠枝生大者如二三升

博士芋

出新鄭蔓

生而根如鵝鴨蛋

百子芋

出葉俞縣有魁芋無旁子

酉陽雜俎有天芋

生終南山

中葉如荷而厚

雀芋

狀如雀頭置乾地反濕置濕地反乾飛鳥觸之墮走獸遇之僵

益部方物

畧記有赤鷗芋

俗號赤鷗頭芋形長而圓但子不繁衍味最美

蠻芋

味亦美其形則圓子

繁衍人多蒔之搏果芋

品最下搏接也言可接果山中人多食之

爾雅翼云芋之大

者前漢謂之芋魁後漢書謂之芋渠本草芋種雖多有
水旱二種旱芋山地可種水芋水田蒔之葉皆相似但
水芋味勝莖亦可食芋不開花時或七八月間有開者
抽莖生色黃花旁有一長萼護之如半邊蓮花之狀味
平除煩止渴可以療饑可以備荒小兒戒食滯胃氣難
尅化有風疾服風藥者最忌多致殺人備荒論曰蝗之
所至凡草木葉無有遺者獨不食芋桑與水菱芡宜廣
種之

史記貨殖傳蜀卓氏之先趙人也秦破趙遷卓氏曰吾聞岷山之下沃野下有蹲鴟至死不餓乃求遠遷致之臨邛

晉書李雄載記雄尅成都軍饑甚乃率衆就穀於郫掘野芋而食之

茅堂閒話閤阜山一寺僧專力種芋歲收極多杵之如泥造塹為墻後遇大饑獨此寺四十餘僧食芋塹以度凶歲

汜勝之書種芋區方深皆三尺取豆箕內區中足踐之
厚尺五寸取區上濕土與糞和之內區中箕上令厚尺
二寸以水澆之足踐令保澤取五芋子置四角及中央
足踐之旱數澆之其爛芋生子皆長三尺一區收三石
農桑通訣種宜軟白沙地近水為善芋畏旱故宜近水區深可
三尺許行欲寬寬則過風本欲深深則根大春宜種夏
種不生秋宜壅失壅則瘦鋤宜頻澆宜數霜降捩其葉
使收液以美其實

羣芳譜擇種十月揀根圓長尖白者就屋南簷下掘坑以礬糠鋪底將種放下稻草蓋之勿使冷爛至三月間取出埋肥地待早苗發三四葉於五月間擇近水肥地移栽其科行與種稻同或用河泥或用灰糞爛草壅培旱則澆之有草則去之若種旱芋亦宜肥地

又栽種正二月將耕過地先鋤一遍以新黃土覆蓋三月中擇壬申壬午壬戌辛巳戊申庚子辛卯日將芋芽向上種候生三四葉高四五寸五月移栽霜降後鋤開

根邊土上肥泥壅根則愈大而愈肥南方多水芋北方多旱芋總之地皆宜肥水芋二尺一科畝為科二千一百六十科收魁若子二斤畝為斤二千三百二十以備荒救饑已數倍於作田矣種芋之地衆人往來眼目多見及聞刷鍋聲多不孳生鋤芋宜晨露未乾及雨後耘鋤令根旁虛則芋大子多若日中耘太熱則薦以灰糞培則茂水芋不必耘但亦宜肥地七月在芋四角掘土壅根則土暖結子圓大霜後起之芋茲繁宜剝取淖曬

乾煮食味極甘美

香芋

附

香芋形如土豆而味甘美煮熟可食

羣芳譜種芋法香芋皮黃肉白莖葉如扁豆而細又有引蔓開花花落即生名之曰落花生皆嘉定有也

土芋

附

本草土芋一名土豆一名土卵一名黃獨蔓生葉如豆根圓如卵肉白皮黃可灰汁煮食亦可蒸食解諸藥毒

生研水服吐出惡物

小露子 附

本草小露子

以根味而名

一名地蠶

原譜誤作環

一名土蛹一名

草石蠶

皆以根形而名蘇頌云草根之似蠶者一名蠶石

一名滴露一名地爪

兒荆湘江淮以南野中有之人亦栽蒔二月生苗長者近尺方莖對節狹葉有齒並如雞蘇但葉皺有毛四月開小花成穗一如紫蘇花穗結子如荆芥子其根聯珠狀如老蠶掘根蒸煮食之味如百合

羣芳譜二三月鋤宜沃土宜沾濕凡種宜於園圃近陰處或樹蔭下疎種之至秋乃收生熟皆可食又可蜜煎可醬漬可作豉雨中以灰雜糞土覆掩根鋤草淨則生繁至冬鋤取一云葉上露滴地即滋生是以有露滴之名



甘 藷



甘藷

甘藷一名朱藷一名番藷大者名玉枕藷

稗史類編云嶺外多藷有

發深山邃谷而得者重數十斤名玉枕藷

形圓而長本末皆銳肉紫皮白質

理膩潤氣味甘平無毒補虛益氣力健脾胃強腎陰
與薯蕷同功久食益人與芋及薯蕷自是各種巨者如
杯如拳亦有大如甌者氣香生時似桂花熟者似薔薇
露撲地傳生一莖蔓延至數十百莖節節生根一畝種
數十石勝種穀二十倍閩廣人以當米穀有謂性冷者

非二三月及七八月俱可種但卵有大小耳卵八九月始生冬至乃止始生便可食若未須者勿頓掘令居土中日漸大到冬至須盡掘出則不敗爛

南方草木狀甘藷蓋薯蕷之類或曰芋之類根葉不如芋皮紫而肉白蒸鬻食之產珠崖之地海中之人皆不業耕稼惟掘地種甘藷秋熟收之蒸燠切如米粒倉圖貯之以充糧糗是名藷糧

異物志甘藷出交廣南方民家以二月種十月收之其

根似芋亦有巨魁大者如鵝卵小者如雞鴨卵剝去紫
皮肌肉正白如肪南人當米穀果食炙皆香美初時甚
甜經久得風稍淡

甘藷疏閩廣藷有二種一名山藷彼中故有之一名番
藷有人自海外得此種海外人亦禁不令出境此人取
諸絞入汲水繩中因得渡海分種移植遂開閩廣之境
兩種莖葉多相類但山藷植援附樹乃生番藷蔓地生
山藷形壘魁番藷形圓而長其味則番藷甚甘山藷稍

劣江南田圩下者不宜諸若高仰之地平時種藍種豆者易以種諸有數倍之獲大江以北土更高地更廣即其利百倍不啻矣倘慮天旱則此種畝收數十石數口之家止種一畝縱災甚而汲井灌溉一至成熟終歲足食有何不可徐光啓云昔人謂蔓菁有六利柿有七絕予謂甘藷有十二勝收入多一也色白味甘諸土種中特為賈絕二也益人與薯蕷同功三也遍地傳生剪莖作種今歲一莖次年便可種數十畝四也枝葉附地隨

節生根風雨不能侵損五也可當米穀凶年不能災六
也可充籩實七也可釀酒八也乾久收藏屑之旋作餅
餌勝用錫蜜九也生熟皆可食十也用地少易於灌溉
十一也春夏種初冬收入枝葉極盛草穢不容但須壅
土不用鋤耘不妨農工十二也

羣芳譜種植種諸宜高地沙地起脊尺餘種在脊上遇
旱可汲井澆灌即遇澇年若水退在七月中氣候既不
及藝五穀即可翦藤種諸至蝗蝻為害草木蕩盡惟諸

根在地薦食不及縱令莖葉皆盡尚能發生若蝗信到時急令人發土徧壅蝗去之後滋生更易是天災物害皆不能為之損人家凡有隙地但只數尺仰天見日便可種得石許此救荒第一義也須歲前深耕以大糞壠之春分後下種若非沙土先用柴灰或牛馬糞和土中使土脈散緩與沙土同庶可行根重耕起要極深將諸根每段截三四寸長覆土深半寸許每株相去縱七八尺橫二三尺俟蔓生既盛苗長一丈留二尺作老根餘

翦三葉為一段插入土中每栽苗相去一尺大約二分入土一分在外即又生諸隨長隨翦隨種隨生蔓延與原種者不異凡栽須順栽倒栽則不生節在土上即生枝在土下即生卵凡各節生根即從其連綴處斷之令各成根苗每節可得卵三四枚

又藏種九月十月間掘諸卵揀近根先生者勿令損傷用軟草包裹掛通風處陰乾一法於八月中揀近根老藤翦七八寸長每七八根作一小束耕地作畦將藤束

栽畦內如栽韭法過月餘每條下生小卵如蒜頭狀冬

月畏寒稍用草蓋覆至來春分種若老條原卵在土中

無不壞爛 一法霜降前取近根卵稍堅實者陰乾以

軟草各襯另以軟草裹之置無風和暖不近霜雪不受

水凍處一法霜降前收取根藤曝令乾於竈下掘窖約

深一尺五六寸先下稻糠三四寸次置種其上更加稻

糠三四寸以土蓋之一法七八月取老藤種入木桶或

磁瓦器中至霜降前置草簍中以稻糠襯置向陽近火

處至春分後依前法種 收蔓枝節已徧地不能容者
即為游藤宜翦去之及掘根時捲去藤蔓俱可飼牛羊
猪或曬乾冬月喂皆能令肥腠 用地凡諸二三月種
者每株用地方二步有半而卵徧焉每官畝約用諸三
十六株四五月種者地方二步而卵徧焉畝約六十株
六月種者方一步有半而卵徧焉畝約一百六株有奇
七月種者地方一步而卵徧焉畝約二百四十株八月
種者地方三尺以內得卵細小矣畝約九百六十株種

之疎密畧以此準之九月畦種生卵如箸如棗擬作種
此松江法也北方早寒宜早一月算又在視天氣寒暖
臨時斟酌耳



蘿 蔔



蘿蔔

蘿蔔一名萊菔

菔乃萊名萊菔乃根名後世訛為蘿蔔南人呼為蘿蔔或云性能制麥毒故名

來服言來薤之所服也

一名蘆菔一名電葵

爾雅云葵蘆菔注云菔宜為菔蘆菔蕪菁

屬紫花大根

一名紫花菔一名溫菔

紫花菔溫菔皆南人所呼吳人呼楚

俗呼電葵

菔廣南人呼秦菔廣韻云魯人呼為菔蓮

一名土酥

農書云北人蘿蔔一種四名春曰破地錐夏曰

夏生秋曰蘿蔔冬曰土酥謂其潔白如酥也

一名薺根處處有之北土尤多

其狀有長圓二類根有紅白二色莖高尺餘苗稠則小

隨時取食令稀則根肥大葉大者如蕪菁細者如花芥

皆有細柔毛春末抽高臺開小花紫碧色夏初結莢子
大如麻子黃赤色圓而微扁生河朔者頗大而江南安
州洪州信陽者尤大有重至五六斤者大抵生沙壤者
脆而甘生瘠地者堅而辣根葉皆可生可熟可葅可釐
可醬可豉可醋可糖可腊可飯乃蔬中之最有益者氣
味辛甘無毒下氣消穀去痰癖止咳嗽利膈寬中肥健
人令肌膚細白同猪羊肉鯽魚煮食更補益熟者多食
滯膈中成溢飲服地黃何首烏者食之髮白以蘿蔔多

食滲血性相反也

種樹書種蘿蔔宜沙塠地五月犁五六遍六月六日種鋤不厭多稠即少種

羣芳譜種植頭伏下種宜沙地地欲生則無蟲耕地欲熟則草少治畦長一丈濶四尺每子一升可種二十畦子陳更佳先用熟糞勻布畦內水飲透次日用大糞拌子令勻撒畦內細土覆之苗出三四指便可食擇其密者去之疎則根大尺地只可留三四窠厚壅頻澆其利

自倍月月可種月月可食欲收種於九月十月擇其良者去鬚帶葉移栽之澆灌以時至春收子可備種蒔鋤不厭頻忌帶露鋤恐生蟲

水蘿蔔

附

水蘿蔔形白而細長根葉俱淡脆無辛辣氣可生食亦有大如臂長七八寸者則土地之異也出山東壽光縣者尤鬆脆

胡蘿蔔

附

胡蘿蔔有黃赤二種長五六寸宜伏內畦種肥地亦可
漫種大者盈握冬初掘取生熟皆可啖可果可蔬莖高
二三尺有白毛氣如蒿不可生食貧人曬乾冬月亦可
拌腐充饑三伏內治地點種地肥則漫種頻澆則肥大
欲收種者留至次年開碎白花攢簇如傘子如蛇牀子
稍長而有毛褐色又如蒔蘿子元時始自邊塞中來故
名甘辛無毒下氣補中利胸膈安五臟令人健食有益
無損子治久痢一種野胡蘿蔔根細小亦同金幼孜北

征錄云交河北有沙蘿蔔根長二尺許大者徑寸下支生小者如筋色黃白氣味辛而微苦氣似胡蘿蔔想亦胡蘿蔔之類但地利人力之不同耳

欽定四庫全書

欽定授時通考

授時通考

通考

茺蒿



萵苣

萵苣一名萵菜

墨客揮犀云萵菜自昌國來故名

一名千金菜

清異錄云昌國

使者來漢隋人求得菜種酬之甚厚因名千金菜

菜似白苣而尖嫩多皺色稍

青折之有白汁四月抽臺高三四尺剝皮生食味清脆

糟食亦佳江東人鹽曬壓實以備方物謂之苣筍農桑

通訣謂即野苣按野苣即苦苣又名苦蕒其根亦苦與

萵苣自是兩種但萵苣葉亦微苦南人食臺不食葉其

種法與白苣同正二月下種四月出園後不再種與生

菜異耳


生菜

附

生菜一名白苣一名石苣陸璣詩疏云青州謂之芭似
萵苣而葉色白斷之有白汁正二月下種四月開黃花
如苦蕒結子亦同八月十月可再種以糞水頻澆則肥
大諺云生菜不離園宜生食又生按鹽醋拌食故名生
菜色紫者名紫苣一云紫苣和土作器火煨如銅

農桑輯要萵苣作畦下種如菠薐法先用水浸種一日

尊



蓴

蓴

一作莼

一名茆

詩傳云茆鳧葵也又陸璣疏云茆與苢菜相似江東人謂之蓴菜

一名

錦帶一名水葵

陸璣疏云江東或謂之水葵

一名露葵

詳見顏氏家訓

一名

馬蹄草一名缺盆草生南方湖澤中最易生種以水淺

深為候水深則莖肥而葉少水淺則莖瘦而葉多其性

逐水而滑惟吳越人喜食之葉如苢菜而差圓形似馬

蹄莖紫色大如筋柔滑可羹夏月開黃花結實青紫色

大如棠梨中有細子三四月嫩莖未葉細如釵股黃赤

色名穉蓴

穉小也

又名雉尾蓴體軟味甜五月葉稍舒長

者名絲蓴

細莖如絲也

九月萌在泥中漸麤硬名瑰蓴或作

葵蓴十月十一月名猪蓴

謂可喂猪也

又名龜蓴

酉陽雜俎云江東謂

之蓴

味苦體澀不堪食取汁作羹猶勝他菜味甘寒無

毒治消渴熱痺厚腸胃安下焦逐水解百藥毒竝蠱氣

齊民要術近陂湖可於湖中種之近流水者可決水為

池種之性易生一種永得宜潔淨不耐污糞穢入池即

死

芹



芹

芹古作蘄

本草作蘄從草從新諧聲也後省作芹楚有蘄州蘄縣俱音淇羅願云地多產芹故字從

芹蘄亦音芹徐鍇註說文蘄字从草蘄諸書無蘄字據此則蘄字亦當从蘄作蘄字也

一名水英

一名楚葵

爾雅云芹楚葵注云今水中芹菜

有水芹旱芹水芹生江湖

陂澤之涯旱芹生平地有赤白二種

爾雅翼云白芹舒蘄多有之土人呼

為白芷

二月生苗其葉對節而生似芎藭其莖有節稜而

中空其氣芬芳五月開細白花如蛇牀花蘇恭云白芹

取根赤芹莖葉並堪作葅味甘無毒止血養精益氣止

煩去伏熱殺藥毒令人肥健置酒醬香美和醋食滋人
但損齒又有一種馬芹爾雅謂之茭又名牛薺若野茴
香葉細銳可食亦芹類也本草李時珍云一名胡芹一
名野茴香以其氣味子形微
似也金光明經謂之葉
婆你與芹同類而異種一種黃花者毛芹也有毒殺人
此旱芹
之一種

詩小雅葍沸檻泉言采其芹

箋芹菜也可以為茹采水中者尚潔清也


齊民要術收根畦種之常令足水尤忌潘泔及鹹水澆

之則死性易蕃茂甜脆勝野生者

紫芹附

本草紫芹一名蜀芹一名楚葵一名苔菜一名水荀菜
羣芳譜紫芹即赤芹生陰崖陂池近水石邊狀類赤芍
藥葉深綠背甚赤莖似蕎麥花紅可喜結實亦似粃蕎
麥味苦澀其汁可以煮雌制汞伏砂擒黃號起貧草他
方頗少太行王屋諸山最多

蘆



蘆

蘆一名葦生下隰地處處有之葉四白而垂中心抽幹
長丈許中虛皮薄色青老則白中有白膚身有節如竹
葉隨節生若箬葉下半裹其莖無旁枝花白作穗若茅
花根若竹根而節疎

禮記月令季夏之月命澤人納材葦

注蒲葦之屬此時柔紉可取作器物也

爾雅葦醜芎

疏葦即蘆之成者其類皆有芎秀也

又葭華蒹蒹葭蘆莢亂其萌蘢

疏此辨蒹葭等生成之異名也葭一名華即今蘆也葦之未成者蒹一名蒹葭一名蘆莢一名亂李巡曰分別葦類之異名其萌名蘢

本草蘆有數種其長丈許中空皮薄色白者葭也蘆也葦也短小於葦而中空皮厚色有青蒼者莢也亂也荻也荻也其最短小而中實者蒹也蒹也皆以初生已成

得名

丹鉛錄蘆葦通一物也所謂蒹今作廉者是也所謂茨
今人以當薪爨者也北人以蘆與葦為二物水傍下隰
所生者為葦其細不及指人家園地間可植者為蘆其
幹差大深碧色者為碧蘆


農桑輯要葦四月苗高尺許選好葦連根栽成土墩如
椀口大於下隰地內掘區栽之縱橫相去一二尺

力欲
則得

密藏
至冬放火燒過次年春芽出便成好葦十月後刈之

一法二月熟耕地作壟取根臥栽以土覆之次年成葦
又壓栽法其葦長時掘地成渠將莖倒以土壓之露其
稍凡葉向上者亦植令出土下便生根上便成筍與壓
桑無異五年之後根交當隔一尺許斫一鏹即滋旺矣
其花絮沾濕地即生蘆然不如根栽者

欽定授時通考卷六十



總校官庶吉士 臣侍 朝

校對官庶吉士 臣嚴 福

謄錄監生 臣朱 溥

繪圖謄錄監生 臣董 椿

欽定四庫全書薈要

子部

欽定授時通考卷六十二



詳校官主事臣陳木

欽定四庫全書薈要卷一萬七百二十四

子部

欽定授時通考卷六十一

農餘

蔬三

菜瓜

稍瓜

黃瓜

南瓜

冬瓜



絲瓜

葫蘆

瓠子

茄

菌
木耳
石耳
地耳

瓜菜



菜瓜

菜瓜北方名苦瓜蔓葉俱如甜瓜生時色青質脆可生食間有苦者亦可作豉醃菹故名菜瓜熟亦微甜生秋月大小不一止可醃以備冬月之用

學圃餘疏瓜之不堪生噉而堪醬食者名曰菜瓜圓者如甜瓜長者如玉瓜皆一類也

稍瓜

附

本草稍瓜一名越瓜一名菜瓜南北皆有二三月下種

生苗就地生蔓青葉黃花並如冬瓜花葉而小夏秋之間結瓜有青白二色大如瓠子一種長者至二尺許俗呼羊角瓜子狀如胡瓜子大如麥粒

羣芳譜稍瓜蔓生較黃瓜頗麤色綠而黑縱有白紋界之微凹體光而滑膚實而韌味甘寒利腸去煩熱止渴利小便解酒熱宣洩熱氣不益小兒不可與乳酥鮮同食宜忌大畧與黃瓜同



瓜黃



黃瓜

黃瓜一名胡瓜

本草云張騫使西域得種故名拾遺錄云大業四年避諱改為黃瓜俗又呼為

王瓜蔓生葉如木芙蓉葉五尖而澀有細白刺如針芒莖

五稜亦有細白刺開黃花結實青白二色質脆嫩多汁有長數寸者有長一二尺者遍體生刺如小粟粒多謊花其結瓜者即隨花並出味清涼解煩止渴可生食種陽地暖則易生行陣宜整兩行微相近用樹枝棚起如人胸高附蔓於上兩行外相遠以通人行喜糞壅頻鋤

勿令生草瓜生至初花鋤三四次鋤勿著根令瓜苦亦
有隨地蔓生者摘瓜時宜引手摘勿踏瓜蔓亦勿翻覆
之此瓜可生食亦可醃以為菹性甘寒小兒不宜多食
學圃餘疏王瓜出燕京者最佳其地人種之火室中逼
生花葉二月初即結小實中官取以上供又一種秋生
者亦佳五土俱宜閏中二三月間食入夏枯矣

羣芳譜種植下種宜甲子庚子壬寅辛巳黃道開成日
二月上旬為上時三月上旬為中時四月上旬為下時

下截去兩頭取中央者洗淨晾乾置乾燥處勿令浥濕
浥濕則難生

又衛瓜瓜生蟻用羊骨引至旁葉去瓜中黃甲小蟲喜
食瓜葉宜以綿兜罨去凡瓜忌香尤忌麝香一觸之輒
痿死一法瓜旁種葱蒜能辟麝



瓜南



南瓜

南瓜附地蔓生莖麤而空有毛葉大而綠亦有毛開黃花結實形橫圓而豎扁色黃有白紋界之微凹煮熟食味麪而膩亦可和肉作羹又有番南瓜實之紋如南瓜而色黑綠蒂頗尖形似葫蘆皆不可生食

本草南瓜四月生苗引蔓甚緊一蔓可延十餘丈節節有根近地即著葉狀如蜀葵大如荷葉花如西瓜花結瓜正圓大如西瓜上有稜如甜瓜一本可結數十顆其

色或綠或黃或紅子如冬瓜子肉厚色黃

農桑通訣浙中一種陰瓜宜陰地種之秋熟色黃如金
皮膚稍厚可藏至春食之如新疑即南瓜也

瓜冬



冬瓜

冬瓜一名白瓜一名水芝一名地芝

見廣雅

一名蔬菰在

處蒔之附地蔓生莖麤如指有毛中空葉大而青有白毛如刺開白花實生蔓下長者如枕圓者如斗皮厚有毛初生青綠經霜則青皮上白如塗粉肉及子亦白八月斷其梢簡實小者摘去止留大者五六枚經霜乃熟十月足收之味甘微寒性急善走除小腹水脹利小便止渴益氣除滿耐老去頭面熱鍊五臟有熱病宜食陰

虛及患寒疾人久病人忌之霜降後方可食不然反成
胃病本草云其瓢謂之瓜練白虛如絮可以浣練衣服
其子謂之瓜犀在瓢中成列

齊民要術種冬瓜法傍牆陰地作區圍二尺深五寸以
熟糞及土相和正月晦日種既生以柴木倚牆令其緣
上旱則澆之

又十月區種如區種瓜法冬則推雪著區上為堆潤澤
肥好乃勝春種

羣芳譜收藏宜高燥處忌近鹽醋及掃帚雞犬觸犯與芥子同安置可經年不壞

又收子瓜蒂灣曲貼肉者雌瓜也俟極老取子收高燥處勿浥濕留作種



瓜絲



絲瓜

絲瓜一名蠻瓜一名布瓜一名天羅絮一名天絲瓜蔓

生莖綠色有稜而光葉如黃瓜葉而大無刺深綠色宜

高架喜背陽向陰開大黃花

五出微似胡瓜花葉俱黃

少以鹽漬

可點茶結實狀如瓜有短而肥者有長而瘠者

瓜大寸許長一

二尺或三四尺深綠色有皺點瓜首如鰓首

嫩者煮熟加薑醋食同雞鴨猪

肉炒食佳不可生食性冷解毒多食敗陽九月將老者

取子留作種瓢絲如網可滌器

葫蘆



葫蘆

葫蘆匏也一名瓠瓜一名匏瓜

圓者曰匏亦曰瓠本草云壺酒器盧飲器此物

象其形故名俗作葫蘆

一名蒔姑蔓生莖長須架起則結實圓正

亦有就地生者大小數種有大如盆盎者有小如拳者

有柄長數尺者有中作亞腰者莖韌有絲如筋葉圓有

小白毛面青背白開白花有甘苦二種甘者性冷無毒

利水道止消渴苦者有毒不可食惟可佩以渡水陸農

師曰項短大腹曰瓠

長如瓠瓜首尾如一者

細而合上曰匏

無柄而圓

大形似匏而肥圓者曰壺匏之有短柄大腹者本草李時珍曰長

瓠懸瓠瓠之一頭有腹長柄者今人以爲茶酒瓠壺盧瓠瓜蒲盧細腰者今之藥壺盧

廣志謂之約腹壺亦有大小二種名狀不一其實一類各色也處處有

之但有遲早之殊並以正月下種生苗引蔓延緣其葉

似冬瓜葉而稍圓有柔毛嫩時可食五六月開白花結

實白色大小長短各有種色瓢中之子齒列而長謂之

瓠犀爾雅云瓠棲辯注云瓠中辯也

詩邶風匏有苦葉

疏匏葉少時可為羹今河南及揚州人恒食之八月
中堅強不可食故云苦菜

豳風八月斷壺

王禎農書匏之為用甚廣大者可煮作素羹可和肉煮
作葷羹可蜜煎作果可削條作乾小者可作盒蓋長柄
者可作噴壺亞腰者可盛藥餌苦者可治病

汜勝之書種瓠法以三月耕良田十畝作區方深一尺
以杵築之令可居澤相去一步區種四實蠶矢一斗與

土糞合澆之水二升所乾處復澆之著實以馬箠穀其
心勿令蔓延多實實細以藁薦其下無令親土多瘡癰
度可作瓢以手摩其實從蒂至底去其毛不復長且厚
八月微霜下收取掘地深一丈薦以藁四邊各厚一尺
以實置孔中令底下向鉢一行覆上土厚二尺二十日
出黃色好破以為瓢其中白膚以養猪致肥其辦以作
燭致明一本三實一區十二實一畝得二千八百八十
實十畝凡得五萬七千六百瓢瓢直十錢并直五十七

萬六千文用蠶矢二百石牛耕功力直二萬六千文餘
有五十萬肥猪明燭利在其外

又區種瓠法收種子須大者若先受一斗者得收一石
受一石者得收十石先掘地作坑方圓深各三尺用蠶
沙與土相和令中半

若無蠶沙生
牛糞亦得

著坑中足躡令堅以

水沃之候水盡即下瓠子十顆復以前糞覆之即生長
二尺餘便總聚十莖一處以布纏之五寸許復用泥泥
之不過數日纏處便合為一莖留强者餘悉掐去引蔓

結子子外之條亦掐去之勿令蔓延留子法初生二三子不佳去之取第四五六區留三子即足旱時須澆之坑畔周匝小渠子深四五寸以水停之令其遙潤不得坑中下水

羣芳譜種葫蘆冬瓜茄瓠瓠子黃瓜菜瓜俱宜天晴日中下種每晨以清糞水澆之二月下旬栽則五月中旬結實若三月種則太遲矣種法正月預以糞和灰土實填作一坑候土發過熱篩過以盆盛土種諸子常灑水

日曬暖夜收暖處候生甲時分種於肥地常以清糞水灌澆上用低柵蓋之待長帶土移栽俟引蔓結子子外之條掐去之凡留子初生二三子不佳取第四五者留之每科留三枚即足餘旋食之種大葫蘆正月中掘

地作坑深數尺或至一丈填實油麻菜豆爛草葉一層糞土一層如此數重向上一尺餘糞土填之坑方四五尺每坑只種十餘顆二月下子待生長尺許揀擇肥好者四莖每兩莖相縛著一處仍以竹刀刮去半邊以物

纏住以牛糞黃泥封之一如接樹法裏待生做一處只留一頭取此兩莖亦如前法四根合作一根長大只留一根待結葫蘆只揀取兩箇周正好大者餘俱去之依此葫蘆極大每箇可盛一石長頸葫蘆如前法如欲將長頭打結待葫蘆生成趁嫩時將其根下土挖去一邊却輕擘開根頭揷入巴豆肉一粒在根裏仍將土罨其根俟二三日通根藤葉俱輭敝欲死却任意將葫蘆結成或絛環等式仍取去根中巴豆照舊培澆過數日

復鮮如故俟老收之

瓠子

附

瓠子江南名扁蒲就地蔓生處處有之苗葉花俱如葫蘆結子長一二尺夏熟亦有短者麤如人肘中有瓢兩頭相似味淡可煮食不可生噉夏月為日用常食至秋則盡不堪久留性冷無毒除煩止渴治心熱利水道調心肺治石淋吐蛔蟲壓丹石毒

茄



茄子

茄子一名落蘇

酉陽雜俎云錢王有子跛足以聲相近故呼落蘇

一名小菰

見晉

書先蠶儀注

一名崑崙瓜

見大業拾遺錄云改呼茄子為崑崙紫瓜清異錄云人間但名崑崙味

有紫青白三種老則黃如金來自暹羅紫者又名紫膨

膨

說本黃庭堅

白者又名銀茄又一種白者名渤海茄形圓

有蒂有萼大者如甌又一種白花青色稍扁一種白而扁謂之番茄此物宜水勤澆多糞則味鮮嫩自小至大生熟皆可食又可曬乾冬月用如地瘠少水者生食之

刺人喉一種水茄形稍長亦有紫青白三色根細末大
甘而多津可止渴此種尤不可缺水與糞此數種在在
有之味甘寒丹溪謂茄屬土甘而降火莖麤如指紫黑
有刺葉如蜀葵葉亦紫黑有刺開花時摘其葉布通衢
規以灰令人物踐踏之則子繁俗名嫁茄熟者食之厚
腸胃火炙食之甚美北方以為常食南人不敢生食云
動氣發瘡及痼痰患冷氣人忌用秋後茄發眼疾

本草株高三四尺葉大如掌自夏至秋開紫花五瓣相

連五稜如縷黃藥綠蒂蒂包其茄茄中有瓢瓢中有子
子如脂麻有團如枯樓者有長四五寸者

王氏農書茄視他菜最耐久供膳之餘糟鹽豉醋無所
不宜須廣種之

羣芳譜種植二月下子須肥熟地常澆灌之俟四五葉
帶土移栽相離尺許根宜築實虛則風入難活區土不
宜有浮土恐雨濺泥污葉則萎而不茂宜天晴栽鋤治
培壅功不可缺

又收種九月黃熟時摘取擘四瓣或六瓣曬極乾懸之
房內或向陽處勿浥濕臨種時水泡取子淘淨去其浮
者

菌



菌

菌本草一名杜蕈一名菰子一名地鷄一名獐頭陳藏器曰地生者為菌木生者為櫛江東人呼為蕈凡菌從地中出者皆主瘡疥牛糞上黑菌尤佳若燒灰地上經秋雨生菌重臺者名仙人帽大主血病菌冬春無毒夏秋有毒有蛇蟲從下過也夜中有光者欲爛無蟲者煮之不熟者煮訖照人無影者上有毛下無紋者仰卷赤色者並有毒凡煮菌投以薑屑飯粒若色黑者殺人否

則無毒

爾雅中馱菌

注地蕈也似蓋今江東名為土菌亦曰馱厨可啖

農桑通訣中原呼菌為菌茹又為莪又一種謂之天花
桑樹上生者呼為桑莪江南山中松下生者名為松滑
誠齋云傘不如笠釘勝笠蓋愈嫩愈美風味過於他菌
又有紫菌白菌二種尤佳野蕈如赤菰黃耳皆可食

陳仁玉菌譜合蕈

生韋羌山寒極雪收春氣欲動土鬆
芽活此菌候也菌質外褐色肌理玉

潔芳薌韻味一發釜鬻聞百步外蓋菌多種例柔美皆無香獨合薷香與味稱孟溪山中亦同時產惟薷柄高

無香氣土人以是別於韋羌焉

稠膏薷

生孟溪山秋中霏雨零露浸釀山膏木腴落為菌花取最多生

山絕頂高樹杪初如藥珠圓瑩類輕酥滴乳淺黃白色味尤甘勝已乃傘張大幾掌味頓渝矣春時亦間生不

能多稠膏得名土人謂稠木膏液所生耳合薷他邦猶或有之此薷獨此山所產故尤可貴煮法當徐下鼎瀡俟涓沸漉起謹勿匕撓撓則涎腥不可食性參和衆味而特全於酒烹齊既調溫厚滑甘或欲致遠則復湯蒸熟貯之瓶罌然其味去出山遠也

栗殼薷

寒氣至稠膏將盡栗殼色者則其續也

松薷

生松

陰採無時

竹薷

生竹根味極甘

麥薷

多生溪邊沙壤鬆土中俗名麥丹薷味殊美絕類北方摩姑

玉薷

生山中初寒時色潔皙可愛故名玉然作羹微韌俗名寒蒲薷

黃薷

叢生山中梔鬱黃色俗名

黃纘又有名黃純者性峭硬有味

紫葷

頽紫色亦山中產俗名紫富葷品為下

四季葷

生林

木中味甘而肌理麤峭不入品

鵝膏葷

生高山狀類鵝子久乃繳開味殊甘滑不謝稠膏然與杜葷相

亂杜葷者生土中俗言毒蜚氣所成食之殺人凡中其毒者必笑解之宜以苦茗雜白礬勻新水併咽之無不

立愈
潘之恒廣菌譜杉葷

出宜州生積年杉木上狀若菌採無時

阜角葷

生阜

樹上不

香葷

香葷生桐柳枳椇木上紫色者名香葷

天花葷

即天花菜出五臺山形如

松花而大於斗香氣如葷白色食之甚美

蔴菰葷

出東淮北山間埋桑楮木於土中澆以米泔待菰生

采之長二三寸本大末小白色柔軟其中空虛狀如米開玉簪花俗名雞足蔴菰謂其味狀相似也一種狀如

羊肚有蜂窠眼者名羊肚菜

雞縱葷

出雲南生沙地間丁葷也高脚繖頭土人采烘以充方物按通

雅作雞塤雲南志謂之雞夢雞以形言夢者飛而斂足之貌說本楊慎或作蟻塤以其產處下皆蟻穴貴州志

云下有蟻若蜂

雷蕈

出廣西橫州遇雷過即生須疾采之少遲則腐或老不堪用矣作羹

房狀又名蟻奪

舵菜

即海船舶上所生苗也亦不多得

竹蓐

即竹菰也草更生曰

蓐得溽濕之氣而成本草作竹肉因其味也生慈竹林夏月逢雨滴汁著地涌出如鹿角白色者可食生苦竹

枝上如雞子如肉醬者有大毒又曰竹荻生朽竹根節上狀如木耳或紅白色西陽雜俎云江淮有竹肉大如

彈丸味如白雞即此物也惟苦竹生者有毒

藿菌

藿當作藿乃蘆葦之屬讀如桓或以為鷄屎所化非

也今渤海蘆葦澤中鹹肉地往往有之其菌色白輕虛表裏相似與衆菌不同出滄州秋雨以時乃有之若天

旱久霖即稀日乾者良

農桑通訣四時類要云三月種菌子取爛楮木及葉於

地理之常以泔澆灌之三兩日即生又法畦中下爛糞

取楮可長六七寸截斷槌碎如種菜法勻布土蓋日澆

潤之令長濕隨生隨食可供常饌今山中種香蕈亦如

此法但取向陰地擇其所宜木

楓 槠 楮 等樹

伐倒用斧碎砍

成坎以土覆壓之經年樹朽以蕈碎剉勻布坎內謂之

驚禪雨雪之餘天氣蒸暖則蕈生矣雖踰年而獲可以

繼取反土覆之時用泔澆灌越數時則以槌棒擊樹則

堪博采采訖遺種在內來歲仍發復相地之宜歲易代種新採趁生煮食香美曝乾則為乾香蕈今深山窮谷之民以此代耕殆天茁此品以遺其利也

木耳 附

本草木耳一名木櫛一名木菌一名木蠃一名樹雞一

名木蛾

曰耳曰蛾象形也曰櫛以軟濕者佳也曰雞曰蠃因味似也南楚人謂雞為蠃曰菌猶蠃也亦

象形也蠃乃貝子之名或曰地生為菌木生為蛾

生朽木之上無枝葉乃濕熱

餘氣所生其良毒亦隨木性今貨者亦多雜木惟桑柳

楮榆之耳為多桑耳

一名桑櫟一名桑蛾一名桑雞一名桑黃一名桑臣一名桑上寄生

桑櫟以下皆軟耳之名

槐耳

一名槐櫟一名槐菌一名槐雞一名赤雞一名槐蛾

桑黃以下皆硬蕈之名

此槐樹上菌也當取堅如桑耳者

榆耳

八月採之令人不飢按藜床瀋

煮漿粥安槐木上草覆之即生蕈

餘云榆肉榆蕈也腴脆無比大者數斤即指此種

柘耳

一名柘黃

楊櫟耳

出南山

石耳

附

本草石耳一名靈芝生天台四明河南宣州黃山巴西邊徼諸山石崖上遠望如煙廬山亦有之狀如地耳山僧采曝餽遠洗去沙土作茹勝於木耳

地耳附

本草地耳一名地踏菰亦石耳之屬生於地者狀如木耳春夏生雨中雨後亟采之見日即不堪

欽定授時通考卷六十一

欽定四庫全書薈要卷一萬七百二十五

子部

欽定授時通考卷六十二

農餘

蔬四

生薑

椒

川椒

崖椒

蔓椒

地椒

胡椒

番椒

茴香

八角茴香

蒔蘿

韭

山韭

水韭

葱


蒜 水晶葱

薤韭 山薤 野薤

蘼荳 野荳 荳

苜蓿

生薑



生薑

薑禦濕之菜也苗高二三尺葉似箭竹葉而長兩兩相對苗青根嫩白老黃無實處處有之漢溫池州者良三月種五月生苗如初生嫩蘆而葉稍潤葉亦辛香秋社前後新芽頓長如列指狀采食無筋尖微紫名紫芽薑又名子薑秋分後者次之霜後則老性惡濕畏日秋熟則無薑氣味辛微溫無毒通神明辟邪氣益脾胃散風寒除壯熱治脹滿去胸中臭氣解茵葦諸毒生用發熱

熟用和中留皮則涼去皮則熱八月多食春多患眼
孕婦忌食令兒盈指

羣芳譜種植宜白沙地少與糞和種熟耕縱橫七八徧
佳清明後三日種濶一步作畦長短隨地橫作壠壠相
去一尺深五六寸壠中安薑一尺一科帶芽大三指蓋
土三寸覆以蠶沙無則用熟糞雞糞尤妙芽出後有草
即耘漸漸以土蓋之已後壠中却令高不得去土為芽
向上長也芽長後從旁堰去老薑耘鋤不厭數五六月

覆以柴棚或插蘆蔽日不耐寒熱八月收取九月置煖
窖中寒甚作深窖以糠粃和埋煖處勿凍壞來年作種
齊民要術崔寔曰清明節後十日封生薑至四月立夏
後蠶大食芽生可種之九月藏此薑蘘荷其歲若溫皆

待十月

生薑謂
之北薑

吳下田家志種薑宜甲子乙丑辛未壬申壬午

椒



椒

椒一名花椒一名大椒一名檳

爾雅云檳大椒注云實大者名為檳

一名

秦椒

以產自秦地故名今北方秦椒另有一種

今處處有之椒藥五行之精

葉青皮紅花黃膜白子黑氣香最易蕃衍枝間有刺扁而大葉對生形尖有刺堅而滑澤四月開細花五月結子生青熟紅為油亦可食微辛甘晉中人多以炷燈閉口者殺人五月食損氣傷心令人多忘中毒者涼水麻仁漿解之

陸璣詩疏椒樹似茱萸有針刺葉堅而滑澤蜀人作茶
吳人作茗皆合煮其葉以為香今成臯諸山間有椒謂
之竹葉椒其樹亦如蜀椒少毒熱不中合藥也可著飲
食中東海諸島亦有椒樹枝葉皆相似子長而不圓甚
香其味似橘皮

齊民要術熟時收取黑子

俗名椒目不用人手
數近促之則不生也

四月初

畦種之

治畦下水
如種葵法

方三寸一子篩土覆之令厚寸許復

篩熟糞以蓋土上旱輒澆之常令潤澤生高數寸夏連

雨時可移之移法先作小坑圓深三寸以刀子圓剗椒

栽合土移之於坑中萬不失一

若拔而移者率多死

若移大栽者

二月三月中移之先作熟穰泥掘出即封根合泥埋之

行百餘里猶得生

此物性不耐寒陽中之樹冬須草裹不裹即

死其生於陰中者少稟寒氣則不用裹

一本之性寒暑易容所謂習以

性候實口開便速收之天時晴摘下薄布曝之令一日

即乾色赤椒好

若陰時收者色黑失味

其葉及青摘取可以為菹

乾而末之亦足充事

務本新書三鄉椒種秋深熟時揀粒秋深摘下陰乾將
椒子包裹掘地深埋春暖取出向陽掘畦種之二年後
春月移栽樹小時冬月以糞覆根地寒處以草裹縛次
年結子椒不歇條一年繁勝一年

農政全書中伏後晴天帶露收摘忌手捻陰一日曬三
日則紅而裂遇雨薄攤當風處頻翻若燂則黑不香若
收作種用乾土拌和埋於避雨水地內深一尺勿令水
浸生芽其自開口者殺人

羣芳譜種植先將肥潤地耕熟二月內取子種之以糞
灰和細土覆蓋則易生此物乃陽中之陰不耐寒冬月
草苔免致凍死來年分栽離七八尺用蔴粃灰糞和細
土栽忌水浸根又宜焦土乾糞壅培遇旱用水澆灌三
年後換嫩枝方結實以髮纏樹根或種香白芷或種生
菜皆辟蛇食椒

川椒

附

本草川椒一名巴椒一名蜀椒一名南椒一名唐菽一

名點椒一名含丸使者

見陶穀清異錄

蘇頌云木高四五尺似

茱萸而小有針刺葉堅而滑可煮飲食四月結子無花
但生於枝葉間顆如小豆而圓皮紫赤色李時珍曰蜀
椒子光黑如人之瞳人故謂之椒目

羣芳譜川椒肉厚皮皺粒小子黑外紅裏白入藥以此
為良他椒不及也

崖椒

附

本草崖椒一名野椒不甚香子灰色不黑無光

蔓椒附

本草蔓椒一名猪椒一名豕椒一名豨椒一名狗椒一名金椒野生林箐間枝軟如蔓子葉皆似椒山人亦食之

地椒附

本草地椒出上黨郡其苗覆地蔓生莖葉甚細花作小朶色紫白因舊莖而生即蔓椒之小者

胡椒附

本草胡椒一名昧履支向陰生者名澄茄向陽生者名胡椒

酉陽雜俎胡椒生西戎摩伽拖國其苗蔓生莖極柔弱葉長寸半有細條與葉齊條上結子兩兩對其葉晨開暮合合則裹其子於葉中子形似漢椒至芳辣六月採農政全書今其種已遍中國為日用之物矣

番椒

附

草花譜番椒叢生白花子似禿筆頭味辣色紅甚可觀

子種

茴香



茴香

茴香一名懷香

本草云俚俗多懷之吟咀嚼懷香之名或以此

宿根深冬生

苗作叢肥莖綠葉五六月開花如蛇牀花而色黃子如麥粒輕而有細稜俗呼為大茴香近道人家園圃種者甚多以寧夏者為第一其他處小者名小茴香辛平無毒理氣開胃夏月祛蠅辟臭煮臭肉下少許即不臭臭醬入末少許亦香故曰茴香

羣芳譜種植收時陰乾宜向陽地以糞土和子種之仍

種麻一窠以避日色十月斫去枯梢以糞土壅根下

八角茴香

附

茴香自番舶來者實大如柏實裂成八瓣一瓣一核大如豆黃褐色有仁味更甜俗呼舶茴香又曰八角茴香廣西左右江峒中亦有之形色與中國茴香迥別但氣味同耳


蒔蘿

附

本草蒔蘿一名慈謀勅一名小茴香羣芳譜云蒔蘿初

生佛誓國今嶺南及近道皆有之三四月生苗開花其
子簇生狀如蛇狀子而短微黑芳辛不及茴香善滋食
味多食無損健脾開胃下氣利膈溫腸殺魚肉毒補水
臟治腎氣壯筋骨治小兒氣脹霍亂嘔逆腹冷不下食
兩肋痞滿忌同阿魏食奪其味也

韭



韭

韭

說文云一種而久者故謂之韭象形在一之上地也

一名豐本

曲禮云韭曰豐本

一

名起陽草一名草鍾乳

本草拾遺云言其溫補也

一名嬾人菜

爾雅異曰

諺云韭者嬾人菜以其不須歲種也

莖名韭白根名韭黃花名韭菁叢生

豐本長葉青翠八月開小白花成叢醃作茹益人

詩豳風四之日其蚤獻羔祭韭

禮記王制庶人春薦韭

夏小正正月園有韭

宋史食貨志男女十歲以上種韭一畦濶一步長十步
乏井者隣伍為鑿之

齊民要術收韭子一如收葱子法如市賣者宜試之以
銅鐺盛水加於火上微煮須臾芽生者可種芽不生者
是衰鬱矣治畦下水糞覆悉與葵同畦欲極深韭一剪
一加糞又根性上跳故須深也

羣芳譜韭根多年交結則不茂秋月掘出去老根分栽
壅以雞豬糞亦可子種可生可熟可淹可久菜之最有

益者是處有之葉高三寸便剪剪過糞土壅培之剪忌
日中一年四五剪留子者止一剪子黑而扁九月熟收
子風中陰乾勿令浥鬱韭葉熟根溫功用同生則辛而
散痰散血熟則甘而補中補腎除熱下氣益陽止瀉子
甘溫暖膝腰春食香夏食臭多食昏神暗目不可與蜜
及牛肉同食熱病後十日食之即發冬月多食動宿飲
吐水酒後尤忌宿韭忌食五月食韭損人北人冬月移
根窖中養以火坑培以馬糞葉長尺許不見風日色黃

嫩謂之韭黃味甚美但不益人多食滯氣發病

又種植土欲熟糞欲勻畦欲深二月七月種先將地掘作坎取椀覆土上從椀外落子以韭性向內生不向外生也常薹令淨四時類要云收韭子種韭第一番割棄之主人勿食事類書云韭畦用雞糞尤佳至五年根必滿蟠蚪而不長擇高腴地分種之正月上辛日掃去畦中陳葉以鐵耙樓起下水加熟糞高三寸便剪用凡近城郭有園圃者種三十餘畦貿易足供家費秋後又可

採韭花供蔬茹至冬養韭黃比常韭易利數倍或只就畦中覆以馬糞北面豎籬障以禦北風至春其芽早出長二三寸便可賣較之他菜為利甚溥

吳下田家志種韭宜甲子辛未巳卯辛巳甲申辛卯

山韭

附

爾雅藿山韭

蔬韭生山中者名藿

本草山韭一名鐵

音織

形性與家韭相類但根白葉如燈

心苗山中往往有之

水韭

附

北戶錄水韭生池塘中葉似韭字林云發音嚴水中野韭也

羣芳譜有三三尺者五六月堪食不葷而脆

葱



葱

葱一名虬

本草云草中有孔故字從孔

一名萊伯一名和事草

清異錄云

葱和羹衆味若藥劑必用甘草也所以文言曰和事草

一名鹿胎初生曰葱鍼葉

曰葱青衣曰葱袍莖曰葱白葉中涕曰葱苒葉溫白與

鬚平味辛無毒有數種一種凍葱即冬葱夏衰冬盛莖

葉氣味俱軟美食用入藥最善分莖栽蒔而無子人稱

慈葱又稱大官葱謂宜上供也一種漢葱

本草云一名木葱其莖麤

硬故有木名

春末開花成叢青白色冬即葉枯亦供食品胡

葱生蜀郡山谷狀似大蒜而小形圓皮赤葉似葱根似蒜味似薤不甚臭八月種五月收一名蒜葱又名回回葱莖葉羸硬荅葱山葱也生於山谷似葱而小細莖大葉

爾雅云荅山葱疏云

葱生山中者名荅

生沙者名沙葱又有一種樓葱

亦冬葱之類江南人呼為龍角葱龍爪葱羊角葱皮赤莖上生根移下種之每莖上葉出岐如八角故名葱白辛葉溫根鬚平主發散是處皆有生熟皆可食更宜冬月戒多食四月每朝空心服葱頭酒調血氣正月忌食

令人面起游風生同蜜食作下利燒同蜜食壅氣殺人
生合棗食令人病合犬雉肉食多令人病血服地黃常
山人忌用

禮記曲禮葱漑處末

注漑炰葱也

內則膾春用葱秋用芥脂用葱

又切葱若薤實諸醢以柔之

四民月令三月別小葱六月別太葱夏葱曰小冬葱曰


大

羣芳譜種植子味辛色黑作三瓣狀有皺紋收取陰乾
若令浥濕則不生留春月調畦種良地三剪薄地再剪
剪宜平旦避熱宜與地平勿太深太高八月止不止則
無袍而損白凡栽葱曬稍薦將冗鬚去淨疎行密排猪
雞鴨糞和麤糠壅之不拘時冬葱暑種則茂

吳下田家志種葱宜甲子甲申巳卯辛未辛巳辛卯



蒜



蒜

蒜一名葫

又稱胡蒜
以來自番中

一名大蒜一名葷菜葉如蘭莖

如葱根如水仙味辛處處有之而北土以為常食八月

分瓣種之當年便成獨顆及熟每顆五七瓣或十餘瓣

亦有獨顆者苗嫩時可生食夏初食薹秋月食種乾者

可食至次年春盡花中有實亦作蒜瓣而小可食孫緬

唐韻云張騫使西域始得大蒜初時中國止有小蒜一

名茆蒜一名亂一名蒿

爾雅云
蒿山蒜

一名澤蒜為其生於野

澤也又名山蒜石蒜為其生於山或石邊也

本草云山蒜澤蒜石

蒜同一物也但分於山澤石間不同

呂忱字林云唵

音吟

水中蒜然則蒜不

特生於平原及山石而又生於水矣

本草云別有山慈姑老鴉蒜石蒜之

類根葉皆似蒜而不可食

性辛溫有小毒其氣薰烈能通五臟達諸

竅去寒濕辟邪惡消癰腫化癥積肉食解暑毒風痺第

辛能散氣熱能助火傷肺損目伐性昏神有荏苒受之

而不知者鍊形家以小蒜大蒜韭芸薹胡荽為五葷道

家以韭薤蒜芸薹胡荽為五葷佛家以大蒜小蒜興渠

葱蔥荅葱為五葷雖品各不同然皆辛薰之物生食增
恚熟食發淫有損性靈故絕之云獨顆者切片炙癰疽
腫毒最效月令三月戒蒜亦忌常食

崔豹古今注蒜卯蒜也俗人謂之小蒜外國有蒜十許
子共為一株籜幕裹之尤辛於小蒜俗人呼之為大蒜

齊民要術蒜宜良軟地

白軟地蒜美而科大黑軟地
之剛強之地辛辣而瘦小

三

徧熟耕九月初種種法五寸一株

諺曰左右過
鋤一萬餘株

二月半

鋤之令滿三徧

弗以無草而不
鋤不鋤則科小

條拳而軋之

不軋則
獨科

葉

黃鋒出則辦於屋下風涼之處桁之

早出者皮赤科堅可以遠行晚則皮

善碎冬寒取穀耨

奴勒反

布地不爾則凍死收條中子種者

一年為獨辦二年則成大蒜科皆如拳又逾於凡蒜矣

多能鄙事熟耕地一二次爬成溝二寸一窠種一瓣苗

出高尺餘頻鋤鬆根旁頻以糞水澆之拔去臺則辦肥

大不則瘦小澤潞種蒜初出如剪韭二三次愈肥美

一說九月初於菜畦中稠栽蒜辦候來年春二月先將

地熟鋤數次每畝上糞數十担再鋤耙勻持木棚插一

竅栽一株栽徧或無雨常以水澆至五月大如拳極佳
四民月令布穀鳴收小蒜六月七月可種小蒜八月可
種大蒜

吳下田家志種蒜宜戊辰辛未戊申丙子壬戌癸巳辛丑

水晶葱

附


水晶葱葉似葱而實蒜不臭宜鬆土鋤溝擺於內用牛
馬糞糠粃拌土蓋之仍以芝蔴稽蓋於上八月種來年
五七月收宜薑醋浸

欽定四庫全書



卷六十二

薤韭



薤

薤一名藟子

音呼或作藟者非

一名薤子

薤音釣因其根白呼為藟子江南人訛為

薤子

一名火葱

救種宜火薰

一名菜芝

爾雅翼云大物英華之美者莫如芝故薤曰菜

芝

一名守宅一名家宅

見酉陽雜俎

本文作薤韭類也

爾雅云薤

似韭而無實亦不甚葦

葉中空似細葱葉而有稜氣亦如葱體光

澤味辛濕滑無毒二月開細花紫白色根如小蒜一本

數顆相依而生其根煮食芼酒糟藏醋浸皆宜故內則

云切葱薤實諸醢以柔之

爾雅鱣鴻薈

注即薤菜也疏葉似韭之菜也一名鴻薈本草謂之菜芝是也

禮記內則膏用薤

本草蘇恭云有赤白二種白者補而美赤者苦而無味王氏農書生則氣辛熟則甘美種之不蠹食之有益齊民要術薤宜白軟良地三轉乃佳二月三月種八月九月種亦得秋種者春末乃生率七八支為一本諺曰葱

三齏四移葱者三支為一本種薤者四支為一科久多
者科固大故以七八為率薤子三月葉青便出之未青
而出者肉未滿令薤瘦燥曝按去莖餘切却薹根留薹
根而濕者即瘦細不得肥也先重耨耨地壅燥培而種
之壅燥則薹肥耨重則白長率一尺一本葉生即鋤鋤
不厭數荒則羸惡五月初耨不耨則白短葉不
用剪剪則損白供常食者別種九月十月出賣

爾雅翼今人種薤皆以大蒜置硫黃其中久則種分為

薤

羣芳譜八月栽根正月分蒔宜肥壤數枝一本則茂而根大五月葉青則掘之否則肉不滿

山薤

附

爾雅勤山薤

本草蘇頌曰山薤莖葉與家薤相似而根差長葉差大僅若鹿葱體性亦與家薤同

野薤

附

農書野薤生麥原中葉似薤而小味益辛亦可供食

原菴



蓴苢

蓴苢

苢許氏說文作蓢云 蓴屬可以香口

一名香苢一名胡苢

一作胡菜

一名

胡菜處處種之莖青而柔葉細有花岐立夏後開細花
成簇如芹菜花淡紫色五月收子如大麻子亦辛香子
葉俱可用生熟皆可食甚有益於世者根軟而白多鬚
綏綏然故謂之苢張騫得種於西域故名胡苢後因石
勒諱胡改作香苢又以莖葉布散呼為蓴苢味辛氣溫
消穀止頭痛治五臟補不足利大小腸通心脾竅及小

腹氣拔四肢熱治腸風合諸菜食氣香令人口爽辟飛尸鬼疰蠱毒冬春采之香美可食亦可作菹道家五葷之一伏石鍾乳久食損精神令人多忘凡腋氣口臭慝齒脚氣金瘡久病人不可食同斜蒿食令人汗臭難產服補藥及藥中有白朮牡丹皮者忌

齊民要術胡荽宜黑軟青沙良地三徧熟耕春種者用秋耕地開春凍解地起有潤澤時急種之一畝用子二升穉種漸鋤取賣供生菜也一畝用子一升疎密正好

欲種時布子於堅地一升子與一掬濕土和之以脚蹉

令破作兩段

子有兩仁不破兩段則密水澀而不生著土者令注入殼中則生疾而長速種時欲

燥此菜非雨不生所以不求濕下也

於旦暮潤時以耒耨作壟以手撒子

即勞令平春雨難期必須藉澤蹉跎失機則不得矣地

正月中解凍者時節既早雖浸芽不生但燥種之不須

浸子若二月始解者歲月稍晚恐澤少不時生失歲計

矣便於煖處籠盛胡荽子一日三度以水沃之二三日

則芽生於旦暮時投潤漫擲之數日即出矣大體與種

麻法相似假令十日二十日未出者亦勿怪之尋自當

出有草方令拔之菜生二三寸鋤去概者供食及賣十

月足霜乃收之取子者仍留根間拔令稀

概即不生

以草覆

上

覆者得供生食入不凍死

又五月子熟拔取曝乾

濕則沍鬱

格柯打出

作蒿蒿盛之冬日亦得入窖夏還出之但不濕亦得五

六年停此菜早種非連雨不生所以不同春月要求濕

下種麥底地亦得種止須急耕調熟六月中連雨生則

根彊科大七月種者雨多亦得雨少則生不盡但根細

科小不同耳

羣芳譜種植宜肥濕地先將子捍開四五月晦日晚種以灰糞覆之水澆則易長六七月布種者可竟冬食春月按子沃水生芽者小小俱食而已都下火坑鬱炆者莖葉鵝黃色甚香美脆嫩第非出自然恐不益人

野蓴菜

附

野蓴菜一名天胡荽一名石胡荽一名鵝不食草一名雞腸草小草也生石縫及陰濕處高二三寸冬月生苗

細莖小葉形狀宛如嫩胡荽氣辛薰不堪食夏開細花
黃色細子極易繁衍僻地則鋪滿辛寒無毒通臭氣利
九竅吐風痰解毒明目散_腫弱消_腫汁制砒石雄黃

苜蓿



苜蓿

苜蓿一名木粟

爾雅翼作木粟言其米可炊飯也

一名懷風一名光風

草

西京雜記云風在其間常蕭蕭然日照其花有光彩故名懷風又名光風

一名連枝草

西京

雜記云茂陵人謂之連枝草

一名牧宿

本草云郭璞作牧宿謂其宿根自生可飼牧牛馬也

一

名塞鼻力迦

見金光明經

張騫自大宛帶種歸今處處有之

苗高尺餘細莖分叉而生葉似豌豆頗小每三葉攢生

一處稍間開紫花結彎角角中有子黍米大狀如腰子

三晉為盛秦齊魯次之燕趙又次之江南人不識也味

苦平無毒安中利五臟洗脾胃間諸惡熱毒長宜飼馬
尤嗜此物

元史食貨志至元七年頒農桑之制令各社布種苜蓿
以防飢年


四民月令七月八月可種苜蓿

齊民要術地宜良熟七月種之畦種水澆一如韭法春
初既中生噉為羹甚香此物長生種者一勞永逸都邑
負郭所宜種之

羣芳譜種植夏月取子和蕎麥種刈蕎時苜蓿生根明年自生止可一刈三年後便盛每歲三刈欲留種者止一刈六七年後壅去根別用子種若效兩浙種竹法每一畝今年半去其根至第三年去另一半如此更換可得長生不煩更種若壅後次年種穀必倍收為數年積葉壤爛墾地復深故今三晉人刈草三年即壅作田亟欲肥地種穀也



欽定授時通考卷六十二



總校官庶吉士 臣侍朝

校對官庶吉士 臣嚴福

校對官檢討 臣季學錦

謄錄監生 臣朱溥

謄錄舉人 臣王會燕

繪圖謄錄監生 臣王玉海